

太華山人詩存

卷四
卷五



太華山人詩存卷四

武彝集

觀風覆試示各生童

蒲城

王益謙

仲山

武彝山遠極天清九曲溪流似鏡平此地本傳真理學斯

文宜繼古先生掄才爭識風雲氣下筆先聽雅頌聲幾許

春蠶方食葉絲絲都要入權衡

源尋洙水妙涵濡有宋以來幾大儒後進師存精舍在遺

太華山人詩存

卷四

一

書讀徧紫陽無持躬先望題金篋感遇何庸碎玉壺今日

論文思往哲莫教銀海竟模糊

何人彩筆鬥雲霞評品翻愁藻鑑差早媿研經紛蛾術敢

言鋤月種梅花

署內有趙清
獻手植梅

官能飲水方招鶴士總如金

要揀沙迴想文壇鏖戰日不勝見獵手頻叉

庭空一鏡任常懸無數琳琅照眼前為學要除名士氣能

文定到大羅天總憑實力留真諦莫使先儒笑後賢果是

青藍能自出李桃手植亦欣然

讀史

既就南陽宅逍遙自閉關功名思管子出處法尼山才大
身難隱軍勞志未閒三分能鼎立誰復濟時艱

強與天爭運心惟漢道昌安民勝吳魏翌主對高光江海
誠難挽星辰自吐芒至今遺愛在勿翦百株桑

好武非臣志稱兵蜀乃安將星終隕落西土竟彫殘大道
懷伊呂遺徽振范韓祠前留古柏應有老龍蟠

羽扇綸巾在斯人不可求大賢惟謹慎名士自風流誠意

太華山人詩存

卷四

二

齊民服高文亘古留勿將成敗論何處減留侯

苦雨

不堪適野問桑麻到處淙淙水一涯未補天真成大漏非
秋人共上仙槎宜留厚澤歸三伏

伏日常
苦旱

莫誤爲霖累萬

家我比農夫心更切星言日日望晴霞

晴光微逗又溟濛搔首真難問化工竟擬桑田成大海誰
埋鳥足在遙空但逢屋漏都滋媿豈有蛙鳴尙爲公課雨
問晴非細事披雲及早放和風

鷺

別有飛鳴地生涯是水涯瘦疑聯鶴隊潔足稱荷花淡蕩
風翻絮晶瑩月印紗污泥同不染愁聽夜池蛙

答心齋書代東 五首錄二首

榕城分袂憶中春捧得魚緘已幾巡夢寐猶然相晤數往
來何必定形親不愁宦海無知己却媿官錢累故人朗誦
箴言忘臭味武彝代我每書紳

忽收舊券一時焚避債臺前幸遇君便擬分金逢鮑叔何

太華山人詩存

卷四

三

殊折檻救朱雲極憐囊橐同如洗不意驍騮竟出羣夜夜
頌君登佛位此聲雖遠也應聞

寄弟師竹

昔年灑淚悵歌驪從此分飛怨路歧直到海涯真怪事同
歸梓里是何時夢中見面情如昨書裏傳心到每遲七載
光陰駒影過平安全仗兩親慈

憶從齊魯赴春明初在郎官隊裏行莫竟蹉跎虛歲月有
誰容易到公卿三農事蹟紛千牘一第艱難似兩兄我未

歸田君始仕都教猿鶴笑簪纓

今年初領武彝山卅六峯中自往還書舍精嚴猶古蹟幔
亭縹渺尙人間偶聞梵唄依千佛盡洗風塵仗九灣不是
麤官常住地此身疑已列仙班

清心處處祝年豐民足無妨我獨窮絕世勳名由潔白古
時富貴幾英雄久將際遇歸萍水並忘謳歌在叟童兩地
齊心偕努力顯揚何必不相同

瑞蓮詩

太華山人詩存

卷四

四

蓮爲君子花實具君子性署西五畝塘規圓蘊明鏡紅蕖
數萬栽孌娜雲香淨有明天啟中雙花生一柄微物寓靈
機感招由善政名堂曰瑞蓮當時唯傳令

名崇中江西人入名宦傳

我

來未三月疏鑿復昔盛民物詎易阜後先迺同慶嘉禾異
畝生連理雙株映無德偶遇之吉祥亦足病緬懷清獻公
卓立風節勁手植古梅花甘棠猶稱敬去公七百年勉力
企彥聖衣冠像叔敖深懼同僂孟一華何足多內省滋心
競輿誦徒紛然葉語實無竟昔繪雙松圖取彼喬松應併

此祝雙親福錫臺萊定古人不余欺蘭陔重溫清花神亦
欣然曰斯得其正

喜雨

早旣甚社介豐列缺雷車橫遙空相與迸力驅蘊隆一雨
三日誰之功吾人抃手歌四封憶自初春苦多雨淫霖不
已嗟其濛我於其時始下車有如東坡來扶風萬人蹙額
舉相告誰披雲霧招晴烘使者驅車軫民依敢說微悃天
神通禱之有應亦偶爾輿誦歸美慚我躬榴火開時又憂
太華山人詩存 卷四 五

夏雨用東坡韻

金蛇盤空掣紫電阿香推車疾於箭四望油然與沛然有
似瀑布掛遙山至寶不用求始得萬斛明珠灑田間人生
長養須百物泥塗止有田父跡披蓑隴畔笑歸來白足踏

浪意恬適長官拙直眾所容豈有白雨在手中請益之見
天應許欲騎龍馬學李公

萊臧見示近作用元韻答之卽以寄懷

分馳宦海久蹉跎南北人均受墨磨忽捧蘭言如見面便
持檀板當高歌心慚清獻疏泉美目極坡仙種柳多莫以
賢勞卑半刺雲霄都望使君過

清詞讀罷向人誇似詠蘇詩惠建茶名士端宜題玉篋美

人誰與贈梅花風流韻事輝初日鼓吹詩腸聽夜蛙駑馬

太華山人詩存

卷四

六

何能追驥足只堪隨分揀金沙

時方
試士

鄭補泉招飲

廣文先生老鄭度朝日照見苜蓿盤忽然祛篋出金錢買

羊沽酒開賓筵糟邱之上誰敢先三百杯小李青蓮我聞

其語已流涎一半欲割江郎瓠滿腹貽笑鼠飲川附驥生

憎蟻慕羶就中坐者誰最賢蘇門學士致翩翩

謂秦
若木富平

退遜元龍前賓碩豪興敵飛仙

謂二張陳
孫四先生

褰衣齊上米家

船不知舜百與堯千酒酣妙句落雲煙鏘金戛玉壓管絃

雪兒身倦意欲眠門外芙蓉與爭妍

送張鏡湖歸之江用東坡歧亭韻

遊子倦旅食汗青味殘汁北向望武林深夜青衫溼杜鵑
鳴何處聲聲行不得至孝戀晨昏歸心似箭急遙想故山
中庭空備射鴨霜冷修竹寒應有慈雲羃瞻念膝前人心
懸楓葉赤忽然應夢歸一帆破浪白敬上介壽觴春暉縈
故幘中饋亦欣然稚子忽環泣鄰里日日來問訊行無缺
聞越咫尺耳小住還爲客我擬讀君詩白華須成集

太華山人詩存

卷四

七

題秦若木詩集再用前韻

蠹魚蝕殘簡盤旋吮墨汁神劍五色文化龍衝波溼大小
雖殊族相安各自得君才本干將斷截隨緩急小用學雕
蟲如泛春江鴨冰雪淨聰明不受玉壺羃濡筆惠泉上搖
蕩眾峯赤舊雨友蘇黃妙句壓元白覲面得風人驚喜欲
墮憤想其下筆時不顧古鬼泣湛湛秋水光未稔芙蓉缺
如何羈延津來作閩中客他年貢明堂一官成一集

重陽前欲遊武彝三用前韻

隄柳榮春前，縈風吐微汁。池荷挺夏日，冒雨終不溼。我來閱春夏，內顧無一得。惟有幔亭山，遊興星火急。已近小重陽，微雨喜庭鴨。陰晴渾不定，卅峯多雲羃。隙駒容易過，似騁好頭赤。何當放晴霽，漱盡山石白。無心桓公笑，任落孟嘉憤。微名亦偶然，休啜牛山泣。高致尋彭澤，歸耕希冀缺。非敢戀室家，愛菊難爲客。何人知予情，攜榼早來集。

若木以詩見謝四用前韻答之

河流駛竹箭，九里潤餘汁。岱宗甚巍峩，雷穿千峯溼。每讀

太華山人詩存

卷四

八

古人書沾漑，嘆難得今朝。枉詩句快如風，雨急羊公氎。麤鶴魯望能言鴨，一遇天半鵬。大翼齊遮羃，君田在陽羨。好禮公西赤，放懷閩山中。踏遍白雲白，誰人識彥道。騎馬驚擲憤，惟我與君同心。愴釜中泣，君方有弟服名山逢重九。忍使菊酒缺，題詩滿巖壁。任之不速客，笙鶴吾家事。便作神仙

集

重陽日五疊前韻

泉明對菊飲，葛巾漉酒汁。醉臥東籬下，秋花珠露溼。題糕

竟不敢子京嘲夢得古時風雅人去如晨星急今我折腰
吏拘若欄內鴨翠竹本千尋終被浮塵羈佳節訪名山頭
戴茱萸赤仙人知我至舉酒談虛白歸來一竟醉船頭倒
著幘忽憶香山老何故聞聲泣峴首甚巍然片石久殘缺
人生天地間倏忽逆旅客自古幾重陽夜觀星月集

秦若木索飲六疊前韻

富家厭梁肉貧人飮冷汁飲食一小道豐約比燥溼我觀
石季倫萍齋咄嗟得宰夫一言洩殺之何慘急東坡亦有

太華山人詩存

卷四

九

云老伴雜鷺鴨齋廚日蕭然杞菊聊巾幘我均難爲役心
慚發面赤如彼枵腹人臨文只曳白惟君闊達者子夏觀
小幘筆落青蓮服書成茂漪泣戲語腹無負欲補將軍缺
盛饌雖難求魯酒足款客今夜蔡經家應有麻姑集

汪韻舟將行爲雨所阻有詩答之

二首錄一首

殘雲密樹失遙村流水潺潺岸有痕此際欲行行不得遠
山啼斷杜鵑魂

雨中詠懷兼喜晴之作並柬汪韻舟用東坡次孔

毅父元韻三首

流星飛兔氣空溢越山超海行無失駑駘局蹙在轅下不
知騏驥是何物人生孰不慕豪華珊瑚只向金谷出嫵姚
後車餘梁肉齊人播間自行乞巧拙貧富各有由無鹽西
施莫唐突武彝自是神仙宅不必西方始見佛我來奉檄
領此山笑縮銅符嘆微秩座上懸魚何人見釜中生塵行
自卹只安貧薄慚無能心望龔黃難爲一夏時苦旱秋苦
潦萬人聽命誰肉骨黃雲蔚然連郊坰腰鎌耒板貯蓬華
太華山人詩存 卷四 十

隴上生茵萬罄懸心中默禱兩膝屈天公垂憐噓雲散豐
年黍稌仞滿室不然幔亭呼曾孫一洗煩冤解攸鬱我望
天神如望歲明朝杲杲看出日

日出深岸見沙礫晴光直透三千尺昨宵甚雨如覆盆空
際油雲尙潑墨今朝四望現澄清豈是神聽爲正直橐籥
潛運不可方杞人憂之亦難測農夫接踵穫東阡歌聲不
爲隴畝隔金莖壓檐晚歸來閒倚西壁聽促織簞車旣滿
醉豚蹄笑蠟平時樵山屐及時行樂賦蟋蟀職思其居毋

太溺我遊閩海已七年到處都被愚民憐回首故山無立
錐豐盈却欲到萬全昨歲道山偶承乏水陸旁午甚流泉
吳隱南來只飲水東坡北去更無錢耕田歲歲值荒旱農
夫無計只祈天他時歸載鬱林石任人來認呼花顛

舊雨忽來倒屣出人聲雨聲合爲一久貧難具陳蕃榻呼
僮靜掃生白室蕉牕話舊朝聯牀荷池聽雨夜促膝意氣
竝騰元龍樓艱難詎顧墨翟突臨歧不忍遽言別暗裏生
愁竟示疾東觀滄海西無雷此生懷抱爲誰開駿馬肯受
太華山人詩存 卷四 十一

金絡羈鹽車雖困何須哀君不見李太白杜少陵如此才
人日持杯

答張楳生見贈

時晴旣喜見飛鳥又捧龍彫巧匠模京兆筆從蘭館妙濬
冲身向竹林娛是夜梅生約飲在坐七人好攜醕酌同人醉慚說溪山
爲我愚久欲樹棠陰未滿憑君仔細問田夫

舟行望幔亭進遊冲佑觀

溪水澄清透波心石橋羅列如鋪金舟行風利疾於箭兩

岸人家一瞥見雲中露出幔亭山仙境猶復在人間欲問
曾孫在何處石不能言泉如注繫纜步上武彝宮門外石
麟眠草中老樹身橫藏暗虎古佛色黯溜寒雨魏王不見
已千年何況後來十三仙

初遊止止菴

昔日聞此菴已知薄宦情今來觀泉石肯復多簪纓繞門
饒幽趣出塵偶閒行竹樹碧於草奇木拱似楹橋低欲侵
水鳥多不知名漸習苔徑滑深幸屐足輕僧來進山茗犬
太華山人詩存 卷四 十一

浦城縣仙樓

真人弄笛處遺址尙依然城市得幽趣山光繞門前橋頭
跨綠水屋角垂清泉有亭悉翼翼無花不娟娟僧老益尊
佛松高齊障天微生倦奔馳暫憩息塵緣鳥馴不驚客心
空如化禪昔時煉丹井猶自吐雲烟相看不忍去竹影夕
陽邊

夢筆山

江郎合吳興此地息塵鞅高文重菘圃沈思涉夢想平時
青鏤管一夜忽競爽五花開如春璀璨羅書幌從此富瓊
琚才思益高敞豔傳自昔時膾炙競標榜有無旣難知夢
寐亦影響山石蘊球琳竹樹富英蕩水面錦紋鋪松間明
月朗至文在天地相對堪清賞何必寄黑甜語人等欺罔
忽忽稱才盡前後容分兩不如郭景純雲錦常在掌

夜遊祝氏園

太華山人詩存

卷四

三

林深水複不知門曲徑彎環別有村烏宿松間看月影烟
霏竹外度花魂主人久作歸田計

謂祝東巖太守

賢尹猶欣舊雨

存

前令孫茶雲借居其中

惟有前脩遺墨在高山一仰斗台尊

壁間石刻

真西山先生墨蹟

新年五首用東坡韻

入春連夜雨天意富黎元雲厚山無樹灘高水繞村趁墟
憐市晚入畫寫江翻最好言東作新犁出未昏

一舟輕似葉寂淨欲何之宿水趨新壑深林發舊枝風濤

應自息利濟在隨時不解浮沈意高歌付雪兒
飲水何人意冰壺儼並清鷗能爭海國花亦滿江城俗樸
棠陰茂年豐薺菜生能伸吾道直此事卽調羹

神仙常此宅指點武彝東泉水山中淨巖花鏡裏空詩書
留正氣絃誦壯衰翁樂地天然足春風到處同

八年橫海外心厭簿書繁未羨買臣綬空思庾信園逢人
矜問字種樹戒當門好及晨昏外堂前侍課孫

春日舟行

太華山人詩存

卷四

古

春來春雨又春風春在先生杖履中一葉舟來江面小萬
灘聲遇石頭雄但能及物天應福問有何愁酒每空好是
洗兵西海外將軍卽日奏奇功

春日入郡

綠水青山逢故友好風微雨送行舟野人種樹初含萼少
女吹簫正倚樓此日風塵猶自解昔時張趙究誰優遙知
臥閣焚香久鎮日垂簾未上鉤

至郡遇雪未見太守而還

尋常世界翻新樣銀海中間更玉樓本擬推袁先扣戶何
須見戴始回舟風雲入世原無定花鳥尋春各自愁惟有
武彝如舊約丹崖翠巘立千秋

春風

臘去春來暖氣充奉揚端合賴仁風送還生意天中足祛
盡嚴寒海內同解愠何妨先夏日無聲迥異落秋桐貧家
都被吹噓力臺上高歌笑說雄

春雲

太華山人詩存

卷四

五

棲遲日日在名山一入春來意更閒帝欲爲霖宜早出世
都望澤可輕還飛騰總在紅塵上來往都歸紫靄間多少
名花資醞釀莫言空際不相關

春水

淡蕩風前自在流何人天上度輕舟出山新帶雲千疊入
夜初涵月一鉤送客且登青雀舫看花先到白蘋洲綠堤
處處垂楊柳舉棹閒觀意共柔

春柳

沿隄景色一時新萬縷黃金不畏貧莫謂腰支太柔弱便
教眠起亦因循白頭幾洒風中雪青眼閒看陌上人除卻
靈和前殿客六朝誰有此丰神

寄表弟以詩代柬效東坡體

弟質參也魯未窺宛委書偶然事擗捨儼如獲璠璣握手
王粲宅執經揚子廬韋編知難絕鄭人未爲儒昔時寄雙
纏高聲喚飛蛙朱提款不來尺素至遂疎屈指久闊略掩
口幾盧胡近學計然術聞與元方俱銳意蓄金錢耽情較

太華山人詩存

卷四

六

錙銖伏波似賈豎大樹收桑榆心計侔宏羊囊盈侶陶朱
慎勿鑽果核亦莫撞珊瑚我官生釜塵常負上計逋願借
西江潤來濟涸轍枯分財遇鮑叔奚止通有無醅交逢公
瑾不殊飲醒酬子德驟鳴耳我病無切膚爲吟樂施詩一
編通德閭益以清玉案酌以紫微壺遠致自閩中巧值當
懸弧高誼附膠漆令名兼顧廚受之誠無媿譽之亦非諛
不然踞金穴私自樹木奴心動同見獵興高或呼盧年時
負博進百萬去樗蒲不識袁彥道亦遜范大夫

表弟昔好博故以是

調之

雨中

微雨催田稻先霑使者衣
溪添新水活鳥帶溼雲飛霧重
迷樵路苔深染釣磯
看來齊入畫欲去款柴扉

蘭

蘭本生空谷塵中性未安
同心誰臭味香氣自清寒
楚客悲秋易名山向日難
何時欣入貢得近五雲看

太華山人詩存

卷四

七

太華山人詩存卷四終

孫 澧潤 洛潤 校字

太華山人詩存卷五

蒲城 王益謙 仲山

武彝集

宦署自箴

設官亦何爲所貴敷其政庶尹分尊卑關係均民命古者
未達人隱居植德行跬步踐規則講討悉利病徵辟縮青
紫明良遂稱慶布澤時流膏虛堂實懸鏡二千與千石責
任尤難竟一意苟不謹戕賊及萬姓所以班孟堅循吏取
太華山人詩存 卷五 一

守令近民則重之義比史遷正

吾身未仕時家居本一民入官治百姓所治卽吾身痛癢
不相知何以稱至仁在家視官長剔弊秋毫分自爲轉憎
然何以對吾心居處廣廈內日夕厭羞珍服飾及臧獲事
事躋精醕試問里閭中被澤有何人漸積日月久竝忘羞
惡真詛之旣不聞訴之轉生瞋是曰虎而冠無異豺狼羣
爪牙雖自利何如學麒麟

居官談清操人人志不朽清夜苟思之何人不顏忸黠者

行以術匿惡擬山藪只可一時耳掩飾何能久又謂百里
封才先德爲後果有幹濟能所得常八九譬之於婦人勤
儉操井臼見金不有躬尙何論妍醜胡椒八百石不能救
身首象有齒且焚何況盜賊偶養犢留之官懸魚貫以柳
果勵飲水節冰壺肯含垢行之在一心不必出諸口臨行
選一錢我愛山陰叟

清潔理固然叢脞誤不小一邑過萬家紛紜百事繞勤懇
尙缺然頽惰何能了治絲畏其勞立志貞於早如操萬斛

太華山人詩存

卷五

二

舟但恃一枕保如御萬馬軍只憑將帥好君子平其心光
明運物表衡正分錙銖鏡空別眇佼此中苟茫然隨在滋
煩惱風來波浪興心與形俱槁何嘗不邁往奔趨徹昏曉
衡石夜程書聞之足絕倒

居官止一人殷輔實環列長吏牛馬走視之亦不屑不知
持符去無窮出惡劣擇肥爲梁肉屬饜盡膏血無端聚萑
苻深根固巢穴屋墉穿鼠雀肆口陰咀齧視貌柔如羊論
心頑似鐵掃除旣不能教導亦難說沈思計益窮天清或

見月不藉爪牙威不受苞苴謁與民日相親巧計乃成拙
凡坐堂皇者毋使手更熱

聽訟吾猶人本非聖所重民志何以畏此語當深誦閭閻
屈抑久或被鬼蜮弄以意逆揣之百無一二中清心與平
氣神明先自訟虛中智慧出真情乃畢貢凡事戒欲速速
在此時用株連甚析楊毋俾良民痛稂莠肆譴張請君遂
入甕

古時言立政曰惟養與教自秦漢以來今古實異調井田
太華山人詩存

卷五

三

不可行鄉舉亦難效師古宗其意傳薪乃惟肖農桑當鋪
棗東西無囂叫子弟正衣冠培植在年少移俗宜以漸日
久治益妙貧固當扶持富亦宜輔導保富以爲貧荒政居
其要雞豚場圃間經營出周召鴉鳥變好音其端在學校
政成自欣然當官亦坐嘯

陽城攷下下良以催科拙留餘在民間肯使甕飧絕俗吏
持公法絲粒無敢缺輸將誠當然其實恣饕餮囊橐亦已
盈乃復誇冰雪古者賦什一簡明比星列後來事滋多民

困法益設簿書三尺厚任咎歸涸轍如何爲民母乃盡赤
子血撫膺三嘆息或者制以節

刑法不可廢用之道在輕官好惟曰惠民愚乃相爭致之
實有由可但罪編氓發怒肆嚴威鞭笞厲戈兵移之在吾
身渡洄遂泣瓊移之在吾子呼爺益吞聲如此視我民意
氣自然平以平馭愚賤以嚴除榛荆古時國子僑市朝尸
公卿干將不能斷何故出豐城聖人有遺言殺之實以生
上官多大賢情通一誠積私意爲窺度變幻乃千百狗苟
太華山人詩存 卷五

四

而蠅營勞心竟日夕投以所嗜好有時或悅懌不知妻妾
笑謂爾媿巾幘男子善變化幡然易故迹用志桑麻中治
躬先白璧嚴威不改容挺挺歲寒柏昔有強項令剛直効
驅策帝王欲一拜求之轉不獲

得眾道在寬事神恃一敬雨暘偶愆期感通足請命薄俗
重巫覡仙佛來優孟清晝杯盤雜竟夕鐸鼓競推求知其
故勿藥足療病誰知病如昔穀帛已先淨止之不可息逐
之乃益盛悉舉投河中吾行西門故

讀書不讀律致君原無術不知書與律是二還爲一禹皋
稱聖神當時無卷帙聖人智創物中天應運出後世張趙
輩任情兼得失董子不窺園文通亦漂麥鴻儒事佔畢其
道異委質日日守一卷刻苦亦不必仕優則爲之制心無
泛溢經術羅滿胸卓魯日促膝吾行合與否時問五色筆

夜坐偶作

六首錄三首

六經一炬共尤秦漢世搜羅半僞真可惜明珠雜薏苡何
嘗郊鼓用麒麟後來秦誓稱周典旁采微言附聖人孟子
太華山人詩存

卷五

五

武成取三策讀書論世自無倫
大老騎龍下帝闈果然雲錦織天孫論文固已高唐代言
性何曾背孔門獨往獨來無倚傍如山如斗自嚴尊大顛
方外尋常事指作瑕疵要細論

北宋賢人擬漢京可憐南渡迫戎兵坐談空自紆長策敵
愾何人解請纓道學千年爭絕緒江山半壁幾堅城論材
我欲思宗岳直指黃龍戰鼓鳴

張留侯

大錐一擊中副車始皇膽破全秦譁夥涉沐猴均駑馬靜
觀沛公真長者從容來往鋒鏑間報韓歸漢豐功全天授
聰明遵籌畫功狗功人漫比肩天下已定收行陣臣乞賜
骸歸侯印五湖要隨范大夫不待長樂誅韓信夜半誰見
黃石公何況渺渺尋赤松漢王本是赤帝子青鋒一揮白
帝終此事隱躍在心胸投以所信易爲功不然生天成佛
等閒耳何以特書留侯死

嚴子陵

太華山人詩存

卷五

六

沮溺與丈人當時不知名如何嚴子陵至今尙垂聲光武
太學士禮羅收羣英列宿且下降何肯遺友朋羊裘遲遲
至夜臥感星精歸釣富春山江水同澄清古之石隱人煙
霞成性情不爲天子吏肯至天子庭冥鴻不高飛深恐網
矢撻匹夫友帝王屬目已盡驚虛譽良可釣徑捷遂共爭
效之不能至羣然易簪纓君子重出處行藏有定衡皋蘩
與許由各各分道行

董卓一入漢運亡羣雄角逐如驅羊李傕郭汜更猖獗哀
哉鼎折祁陽王本初齷齪事修飾景升坐談亦漢賊天下
何人最英雄橋公先識曹孟德潁川之下龍駒蟠隻手捧
日嗟獨難鳥能擇木木擇鳥繞樹無依歸阿瞞風雲際會
石投水古人有言自隗始能得國士信無雙公達奉孝皆
兒子決計帷幄主坐籌一腔熱血奉炎劉高光無靈火德
滅守器何能責董侯冀州已平江漢廣愛人以德此心朗
本求風虎終相從誰知杌鑿遽分兩生平不識九錫文只
太華山人詩存

卷五

七

堪一死策臣勳四百年祚歎永終明年遂拜魏王軍吁嗟
乎天生大才終無用泰山鴻毛何輕重長將碧血悲裴宏
轉把功名羨文種子房運籌勝蕭曹諸葛渭上出師勞當
代如公人有幾同作山岳萬仞高

諸葛武侯

草廬之中定三分只有荆益與將軍阿瞞兵強難爭鋒何
不赦罪恕賊臣仲謀陰險絕鄰好章武興師心如擣常山
之蛇首尾分丞相何以無諫草擾擾兵戎氛方惡天險焉

能恃劍閣坐談今誤劉景升秦人昔用司馬錯大興義兵
靖中原先伐其謀破其藩安內自必兼外攘何況黃初已
建元虢亭之敗類忿兵運數豈可口舌爭蜀人本未置國
史先天後天均奉行只看遺愛甘棠永周召德澤洽萬井
一旦星落五丈原至今蜀人淚如綬

宋廣平

嶽嶽直氣立山斗二豎見之躬偃僂稱卿則可稱郎非懦
夫媚子齊頰首兔窟狗竇亦須賓九重有詔命正臣孤松
太華山人詩存 卷五 八

不隨風飄蕩青山却露骨嶙峋天憐廬陵與反正韋后武
后竟同病三思原是机上肉搖牙轉喉先無命張公子公
骨久寒批鱗接踵良獨難御史中丞何爲者要同龍比尸
朝端巍巍大節均如此目中何嘗有餘子元之亦是救時
相誰作龍頭誰龍尾

李文靖

韓范富歐聚北宋球琳琅玕齊入貢其先亦有王子明高
岡特立讓孤鳳太初本是休休臣不尙奇功震垓垠當時

正笏立朝者事後思之眞聖人臣心如水眼如月要爲皇家謀貽厥偏灾小事均直陳驚惕王心無橫越退食莫嗤旋馬庭太祝奉禮要嗣馨金珠滿車入誰家玉清昭應如列星在公夙夜眞匪懈慶雲景星先覩快公之精靈常在
天夜望斗牛宜百拜

哭三弟鶴洲

我昔初筮仕泣向庭闈辭親言不須悲建立望吾兄弟尤不忍別送我城東陲臨歧各吞聲淚下如綆垂相慰各努
太華山人詩存

卷五

九

力暫別無多時誰知一分手竟無再見期飛雁翔中天羽翼無差池忽被罡風吹南北成分馳近者歸九原遠者羈海湄無故翦其一造物誠足疑夢魂常相遇彷彿見鬚眉望之不可卽驚起痛心脾只是當時錯認作生別離

弟病我不知乍聞心如刺父書言甚危不復云所止我癡不復詳日日禱名祀移之在吾身弟病或可起誰知寄書時吾弟竟已死卓卓百夫特嗚呼乃如此

季弟侍汝疾精魂常怏怏感逝心崩摧愴惻情無兩手足

已如斯親慈更可想哀哉白髮人送汝歸泉壤季弟書中
云經營無錯枉遙遙嶺海南一杯莫虛幌汝魂隔萬里安
能獨來享

長兄宦山東雙魚遠來寄開函不忍讀淚溼書中字讀之
無他語血淚良復致昔日一堂中壘篋位分四忽然摧叔
子只有伯仲季作書奉雙親深恐妨眠食著語不敢多語
多動涕泗後竟不言及日久或漸置

念弟幼冲時器宇異常童祖母尤愛之謂當光吾宗稍長
太華山人詩存

卷五

十

知爲文馳譽膠庠中思理如絲抽藻繪亦復充精氣尤嶽
嶽一笑叱凡工摛文今何處或在蓬萊宮路遠不可致愧
無翼如鴻夢中一再訪泉路終蒙蒙

弟婦勤操作今受

紫泥封弟女亦已嫁珩璜充篋中是皆兄弟力我慚無其
功八年宦閩海濫竽媿龍鍾官錢負纍纍私囊常空空本
命賦貧薄脂膏不能豐只持一片心默默答蒼穹北望常
垂涕行當返茅蓬弟今知與否君子不憂窮

弟昔嗟無兒今以姪爲後弱齡尙恂謹讀書漸上口參差
五男兒書詩各能守雙親日撫育含飴樂誠有父從山左
歸曳杖娛林藪母兮素鬢鑠近亦成白首丈夫志富貴安
能望不朽駑駘駕棧車敢與驕騮偶雀燕噪榆枋草間聊
踐蹂俯仰埃塵中汨沒常八九不如白華詩真樂尙可久
解組歸南陔繞膝祈壽耆有時春酒熟酌來用大斗潔膳
奉高堂兼以速諸舅心盡獲所安餘不知某某用斯教子
孫燕翼敵瓊玖弟謂然不然默向予心牖

太華山人詩存

卷五

十一

野趣

野人知我至先爲理盤餐情覺鄉農重心憂政理殘遠來
爲問俗語久漸忘官一種山川樸都從太古看

曠野無村落高山占數弓雞鳴青靄外人住白雲中夜盡
先迎日籬多爲障風欲知真樂在細問白頭翁

人少炊烟冷田高播種深樵雲綠石磴近水布秧鍼黃葉
莊如故桃源路可尋海鷗來往熟何處有機心

林深憂虎至水激少魚游白晝門常閉鄰家客不留花開

微覺暖葉落始驚秋得意生涯足深藏稻一樓

俗拙難觀禮婚姻訂一村老人嫌揖讓樂事饋雞豚社鼓
迎神擊田歌穫稻喧縣門終不識斯語教兒孫

往來無幾日心轉愛林邱下考陽城熟循聲單父羞禮慚

中饋肅學謝夙儒優一語須相告天真善自留

余在嵐角
彭氏老婦

及周生巫生數人屢
餉食物謝之不能也

山家效劉文房體

茅屋已在望遲久乃能至水複山深處青苔鋪滿地鶯鳴

大華山人詩存

卷五

三

弄春光菊殘留秋意一村兩姓惟朱陳家家不識縣裏人
柴門常被雲封住不是桃源要避秦

咏雨用文房石梁湖韻

山中多渥澤雨師不久別昨夜明月色萬里海天闊夜半
雲峯出風送春泉發田滿野鷗浮水深草徑滅緣溪奏琴
箏相續聲不絕慰彼豐年望優渥咏無歇

思婦

自君出門去無夜不思君不敢上山望山上多白雲雲中

有飛雁往來何紛紛不寄尺一書飛鳴空爾羣秋入蟋蟀
壁春駐桃花陌會合各有時不見遠行客願君慎風波無
思妾顏色顏色今已改思君留不得月照繡閣閉風吹鏡
奩開風月本無情獨向愁人來

旅次獨坐無酒聞飲者相呼號以詩紀之

我昔貪酩酊一飲三百杯既醉聚同人呼聲如殷雷旁人
顧之笑時或怒切齒心亦知其非耽之不能止今我棄杯
觴飲水抵瓊漿獨坐看月色照我冰壺光王母自西來洪
太華山人詩存 卷五 三

匡從東至紫霞酌向我神仙亦嬉戲李白與杜甫詩酒傳
其名能得飲中趣何必學劉伶君子安其性止水靜無濤
飲固非敗度不飲亦非高淵明滯於酒畢竟非達人以心
爲物役如水已受塵門外悠悠者縱飲良自喜號呶忽相
聞付之一笑耳

酬歸松坪七律元韻四首

錄二首

憶從仙李識松喬

現在李明府幕中

榴火藜光四座昭一語已堪

知國士似君安敢望同僚文輝雲錦思如織鬢有霜華興

倍饒玉磬金鈴隨地徹旗亭應入酒家謠

武彝春暖放新芽採入筠籠便道嘉長吏情懷原似水秀
才風味本宜茶暫同穆父遙遙致却被東坡處處誇賺得
好詩矜至寶隋珠和璧豈須賒

太華山人詩存

卷五

十四

太華山人詩存卷五終

從孫

滋厚

榮厚

校字

夫傳編循吏文苑誰兼錄檢先賢詩家特妙若乃口碑猶
在遠同騎省之閒居手筆爭傳不減春陵之舊作如我
王受之先生太華山人詩存者洵無媿已惟

先生降祥繡被絕盛烏衣張氏則才擅景陽賈家則最推
偉節夙嫻論撰兼善詩歌乃製錦於八閩遞鳴弦於六縣
誰治單父星月容閒如令灌壇風雨不作涪陞佐郡普建
生祠遺愛翕然循聲綽著諭蒙之作剴切詳明讞獄之辭
纏綿悱惻延禧復古悅芹藻之俱馨課雨量晴卜桑麻之
太華山人詩存

一

如繡讀其詩如隨觀稼宛聽哦松若觀栽花仍哀拔薤者
歟尋而解組歸來導輿至樂求萑炙供鹿脩紫綬金章牙
籤錦帙松篁三逕桃李一園錦里則耆舊同編圭塘則弟
兄有集周益公之未老詩酒相娛姚武功之獨閒篇什漸
富談多稼穡訪到荔蘿涼蟾夕窺癯鶴晝警譜鬱輪袍而
誰屑吟詩分詠輞川撰耒耜經而靡遑叢書合署笠澤竊
謂詩關根柢尤重性情故陶謝齊稱而靖節之風徽特遠
韋柳並舉而蘇州之識解彌超官比巴東句獨稱乎野渡

人希君復歸久住乎孤山心迹雙清蘿袞一致邊幅匪狹
用如素練輕縑寶光淵然神似渾金璞玉政俾閱道原可
告天直言韻用端明宛然度嶺諸作詩多用蘇韻者亭猶野史枕
卽游山村原惟遍桃花官廨猶存柏樹行簡原異理趣不
凡騷人之文耿介壹鬱雅材舊著潔淨精微詩卷長留文
外獨絕固不僅落霞秋水之豔節鉞推襟微雲疎雨之幽
臺省閣筆已鄭小谷比部序云不求工而自工又云古體
工於近體五言工於七言諒哉諒哉

太華山人詩存

二

季弟全粵都轉靜山先生小試和羹之事珍藏屬藁所遺
青簡尙新素琴久輟望如小宋豔傳紅杏之詞愛甚阿連
永懷春草之什特付手民委瑩讐校合掌讚歎拊心皈依
敢學鍾嶸之品詩難詣揚雲而問字官職與詩名並重白
傅安知文章與政事不殊子昂合鑄護須神物不徒鐵鎖
一聯詣異鬼才仍愛錦囊什襲詎必蔡邕而特賞琴匪焦
桐尙期李乂之合編集名花萼

同治改元中秋白露節化州訓導南海譚瑩頓首謹書

道光己酉夏五月予以先母服闋入都謁選時叔兄早逝伯兄又於母終之七月以毀亡惟與仲兄晨昏相依飲食與俱家居者二年餘將行不忍別兄出其閭中詩稿授予曰弟此行倘蒙

恩簡遠省卽不得常見閒閱此冊聊慰相思問何以終養十餘年未有續稿兄曰少時困於場屋之文不暇學詩及歸里門專攻力於古文又覺前所吟詠於古詩人性情學問聲韻氣節所由傳之不朽者固遠弗能逮是以不輕作太華山人詩存 跋

作亦弗存予攜是數冊至嶺南已十餘年軍務倥傯未嘗

出以示人惟遇江右詩人趙淡仙湘閱數過應選者於題

上加硃圈今又爲鄭小谷獻甫刑部閱定加墨圈小谷掌

教越華暇則偶與譚藝并讀其所刻詩文集真所謂道

德文章之君子人也謂兄詩卓然可傳爲撰詩序一首又

爲立別傳且謂別傳與予所撰墓志銘宜刊於集中庶讀

其詩者可知其人乃復於公餘詳加披閱釐爲五卷付之

梓人始終校讐則託之沈廉仲大使宗濟譚玉生廣文瑩

可信無魯魚之誤刻既成敬書於後季弟增謙謹跋時同
治元年歲次壬戌秋七月識於兩廣運署之引薰閣

太華山人詩存

跋

二

